

萬曆慈利縣志

卷之七

276

部



天一閣藏明代方志選刊

慈利縣志

一九六四年四月上海古籍
書店據寧波天一閣藏明萬
曆刻本景印原書版框高二
二·四公分寬一五·〇公分

慈利縣志目錄

卷之一

天文

卷之二

建置

形勝

封域

圖里

險塞

卷之三

城池

卷之四

山川

慈利縣志

卷上一

卷之五

土田

水利

橋梁

卷之六

風俗

卷之七

物產

卷之八

戶口

田賦

卷之九



課程 上供 支費 職後

卷之十

公宇

卷之十一

學校

卷之十二

典祀

丘墓

叢祀

卷之十三

秩官

慈利縣誌

卷上 二

卷之十四

選舉

卷之十五

人物

卷之十六

衛所

卷之十七

土夷

卷之十八

僑寓

右慈利志十八卷萬曆元年余入慈政暇索舊乘閱之得蔣喻二公前後所纂述者於鄉大夫朱相之家頗病其簡而弗諒混而失次乃為之采撫故實旁徵故老擇其可以厚生善俗而興政務者彙分條拆其有關於慈邑之故者雖舊乘所無而必以附錄其無關於慈邑之故者雖舊乘所有而不以剽入但世代寢遠典章莫稽山川陵谷之變見聞多所

慈利縣志

卷上 三

不逮乃欲覈時事之因革於弘正嘉隆數十年之後其逸落不已多乎然近事所存衆聞所協者莫不備而錄之以俟後之君子有任紀載之責者因略以推詳則是十八卷者其亦足備慈邑之芻蕘也與閩清源復峰陳光前子翼書



慈利縣志卷之一

閩清源陳光前纂脩

在天成象在地成形九州封域各有分星星聚牛女
晉祥先徵歲淫玄禔禪龜知傾鷄尾之次楚封攸司
質之向謚云是星墟察見妖祥救政序事志天文
慈利州之域天文翼軫之度

春秋元命包軫星散為荊州

漢書地理志楚地翼軫之分野

魏陳卓郡國踔次自張十七度至軫十一度為鷄尾
之次於辰在巳楚之分野

慈利縣誌

卷一

一

費直起張十二度

蔡邕起張十三度

皇甫謐帝王世紀張十八度至軫十一度曰鷄尾之
次於辰在巳謂之大荒落於律為夷則斗建在申今
楚分焉

生經曰翼軫楚之分野荊州也慈在荆之南故同一
分星

又晉天文志翼軫楚荊州零陵入軫十一度

論曰考天文志慈當以軫十一度占之而舊志混言

屬翼軫殆未之深考與然吳越星紀魯墟降婁南北
東西混淆莫屬何哉昔人謂以精氣相屬而不繫乎
方隅庶可以破拘攣之見云

慈利縣志卷之二

衡之西北舊實荒服秦分諸郡慈姑攸建零沔澧沿革後先爰入于隋慈利名縣覃夏煽亂邑治兩遷都圖碁布戢戢綿綿地紀鍾靈惟民作乂志建置形勝封域圖里險塞

建置

慈南裔荒服之地在衡西北舜放驩兜于崇山即其域也赧王癸未秦白起伐楚畧取蠻夷地置黔中郡秦始皇庚辰分天下三十六郡置慈姑縣漢高祖已

慈利縣志

卷二

一

亥改黔中為武陵郡置零陽縣充縣吳景帝永安癸未零陽山裂有岩壁立如門高三百丈孫休以為祥置天門郡并置澧中縣晉明帝太康癸卯并置臨澧縣并隸天門郡後周建德中天門郡為北衡州祀天門山為南望葦淩中臨澧二縣隋高祖開皇辛丑城陳后改北衡州為崇州又置崇義縣改零陽為慈利縣俱隸崇州大業中罷崇州改澧陽郡而慈隸焉唐初郡復為澧州慈利並隸江南道高帝麟德間併崇義入慈利宋太祖乾德初慈利荆湖北路元慈利隸

湖廣行省成宗元貞丙申陞慈利縣為州於境內蠻獠谿峒安置安定柿溪二州洪武二年己酉改慈利州為縣隸湖廣布政使司是年庚戌土酋覃室連結諸峒為亂徙治于十三都九年六月知縣葉守禮奏還舊治隸常德府二十九年知州孫清以民稱不便䟽改隸岳州府編戶五十八里隆慶二年分守叅政馮成能按九永視官塔坪地佳知縣梁可大遂改遷於此即舊慈姑故址時民情洶洶未有定向萬曆元年癸酉知縣方肯堂議築城垣四月畫基址始畚築

慈利縣誌

卷二 二

工未就適調廬陵去是年秋知縣陳光前繼至督民成之二年甲戌孟秋畢後而邑居始定焉
論曰考慈邑建置始末如此或為縣或為州或為郡沿革靡常入我

明始定為縣後以地勢迫窄徙于官塔坪即今之新址也說者以此地為秦慈姑舊基但世遠籍闕蓋不可考云

形勝

慈古荆域編脩張允記控蜀連黔延袤千里為南州

雄督學使沈慶記雄據上游溪山縈帶按察使胡器
叙僻洞庭之陰澧浦之側坡陀衍迤茲以新邑言之
山自容美北馳麻寮為牛鼻諸峰至澧陽坡逶迤而
下易坦寬平而縣治負焉東為秀峰星子紫霞其西
少北為飯甑山南則騎龍聳秀重岡疊阜環列拱峙
有如大將運籌營中而屯卒鱗次列戟擁衛者又澧
水自永定流衍至縣前會澆水謂之前江澆水則由
九谿而下南經飯甑山會澧水謂之後江二水環帶
縣治會澆涉澹三水入洞庭湖舊志慈陽八景猶在
慈利縣誌

卷二 三

域中因附于左

天門曉色

閭闔晴開曙景慈星收華蓋月朦朧僊鷄唱丑桃都
黑羲馭扶輪海嶠紅嵐氣暖蒸三島隔脈稜彩絢九
霞重杜遊記得蓬玄境石屺雲關輦路通

星子晴輝

北斗收芒霽色浮天功人事惚優游羲和攬轡扶桑
曉后稷興農稼穡秋動浴澄潭招野興靜涵春樹豁
吟眸半邊又落街山處太白雄才感意稠

羊迨樵歸

林樹深深靄夕霏
薪蒸牢束下山時
功名一瞬卽那
愛富貴千秋峴水碑
趨徑晚隨流水急
行歌春傍落花飛
爛柯不管浮生事
一任滄桑變是非

鴛洲漁唱

渺渺鴛洲際碧流
漁歌聲裏樂優游
伊吾引入清商
調款乃翻成白雪
謳幽興不關秦事
業閑情那逐晉
謀猷西風幾句黃
蘆岬一曲殘陽萬
里秋

官家烟樹

慈利縣誌

卷二 四

官門古樹繞烟村
目極村烟欲斷魂
近鎖楸梧朝靄
靄遠籠松檜晚昏
昏鷓鴣愁絕湘南
曲鴻鴈驚呼冀
北門回首可憐金
谷地綠陰庭院長
苔痕

秀峰霞樓

華嶽晴蒸五色飄
平分高閣護岩堯
建標隱起連秋
壑伴鴛飛來帶晚
潮漢苑好居三殿
隔仙臺頻望五
城遥登臨幾度留
清興縹緲暈簪絢
綃綃

兔坐松泉

清分兔坐出原斜
隱隱長松樹碧遮
琥珀光寒侵過

脉茯苓香煖襲流沙名高斬跡餘章記味重吳風陸
羽茶何但徂來三窟地百川東海浩無涯

燕岩蘿月

烏衣岩畔碧苔乾老樹蒼藤兔魄寒翠蔓涵輝懸寶
鑑青龍掛影照冰盤梁王池上韶華促庾亮樓頭酒
興闌惟有娥眉千古意清光長得半輪看

論曰古人建都置邑必審擇山川風氣余初蒞慈關
舊治故址見山迫窄而墻立水疾流而背反環視新
邑則群峰四拱諸水縈帶蓋其天造地設之險有待

慈利縣誌

卷二 五

而興而人謀特贊成之云

封域

環邑之疆縱橫所至極其寬衍正東為石門至界六
十里抵縣九十里至澧州一百八十里至岳州府七
百三十里至湖廣一千二百二十五里東南為武陵
至界六十里正南為桃源至界七十里其西南為辰
州至沅陵縣界一百二十里正西則為永順至界二
百四十里其西北為葉植至界二百里正北為容美
至界二百八十里其東北為添平至界一百里

論曰慈邑廣輸之數雖寬然山陵林麓所據不啻其半斬長綴短可耕之地不能十之五六况墾墾境瘠蓋已相半而沃壤膏田隘丁襲為已業世遠人湮漫無稽考又不知其幾也會計者執簿以取盈于小民而小民亦憤然代輸吁可慨也已

圖里

閱慈圖籍原額五十八里後因覃皇連結諸峒煽亂其十五十六十八等都咸為所據今稟植司殘遼篁坪柞山長坪涼水口夏賽口羅峪竹坪即其地也四

慈利縣志

卷二 六

都又割隸於桃源而疆宇日蹙戶口日耗矣知縣吳世堅鄉民卓思禎等嘗奏乞歸併至嘉靖四十四年奉例併圖縣丞鄭環不能褻多益寡奸胥因而舞手併圖則紊亂而無序催糧則遼遠而難徵隆慶壬申知縣梁可大仍議復舊

縣南都凡八

一坊二坊三坊上下五都二圖三都三圖

縣北都凡十九

十七都三圖十九都三圖二十都三圖二十一都

三圖二十二都二圖二十三都二圖二十四都三
縣西都凡二十五

六都四圖七都八都六圖九都三圖十都二圖十
一都三圖十二都二圖十三都三圖十四都

縣東都凡六

一都二都二圖二十五都二圖

論曰周官自四井為邑迄登其四以至於都皆計丘
畝以均其制是故賦平政一而當時無甚富甚貧之
民余嘗披慈圖籍而稽之大者能自為都矣而其小
者有一都而不能五六甲有一甲而不能二三戶又
有名存而實亡者由今之道不行調停之術欲免不
均之嘆難矣

險塞

西北險塞則有野牛關九淵關屬九谿衛油羅關大
泉關于制關野鷄關三江口關屬安福所九女隘櫻
桃隘曲溪隘梅子隘靖安隘青山隘山羊黃家隘攔
刀隘屬麻寮所西南險塞則有龍伏關金藏關百丈
關大坪關新攻關黑松關茅岡隘屬永定衛那平關

後坪關青魚灘關邊岩下關屬大庸於此慈險塞之
大允也

論曰山有猛獸則樵者遁跡水有蛟龍則浴者弭踪
慈隣夷峒覃夏煽亂罹禍獨慘若使險塞之地皆得
人以守之則一夫當關百夫莫過土酋遽克采入其
阻乎故險塞一也得人以守之則險益峻無其人則
適以與敵耳猶之山無猛獸水無蛟龍而樵浴者日
接踵而莫之禁也

慈利縣志卷之三

守國之道設險居先城郭為固經有明言式遏亂略
崇塞攸建矧茲慈陽逼近夷峒墉戶不緜侮予立見
金城千雉崇墉言言今茲鯨鼠寢披晏念志城池
慈舊無城萬曆元年知縣方肯堂以邑隣獠峒宜城
請于巡撫巡按躉之時公藏無羨貯方令勸諭邑之
殷實各輸其財力以贊成大工上戶築城二丈五尺
中戶一丈五尺下戶五尺而五城門則擇其巨貲者
為之蕭魁東門屈應祥西門王甫南門唐大榮北門
慈利縣志

卷三一

向萬邦小南門土城肇興適方公調廬陵巡撫趙公
命岳州府推官孫公化龍督理城工而知縣陳公光
前亦至協理其事始事於元年之四月踰年七月詎
工告成而分督其役者本縣學訓導何通徵永定衛
經歷程材添平所吏目馮雲鵬永定倉大使熊煉也
給事中李槃有記云

上御極元年詔天下要害之區築城以樹保障特提
督軍務巡撫都御史趙公秉鉞蒞楚檄下列邑度可
宜城先任知縣方肯堂以邑當九水之衝土峒襟吭

岳澧藩屏右羅萬山建矜之險前帶三水上游之勝
非有金湯恐非所以隆重鎮疏請于撫臺撫臺趙公
集諸大吏議曰慈昔土酋煽亂召兵征勦雖獲盪滌
莫揀屠磔今獠峒咕囁罔窺藩籬然綢繆墉戶不可
不施於未陰雨之先况聖天子命予璽書首稱邊徼
要害度可宜城城以衛民銷禍於微慮患至深遠也
方令議良是于時上荆南分守今陞按察使楊公分
巡道徐公江防道蘇公岳州府知府李公元芳合謀
同聲巡按御史舒公韙之方令遂略基定制以後城

慈利縣志

卷三 二

汚下移置城基于龍蟠岡命訓導何通徵經歷程材
吏目馮雲鵬大使熊燠分督其役集諸縉紳父老言
曰邑西北跨峒不可不預為螿噬防第城金非鉅萬
不可而公藏無羨貯吾為爾慈立萬禩保障誠懼舉
羸之誑汝等其各稱家捐金以為公家助於是闔邑
咸樂輸工挿地作址丁丁以築泥實土堅其下如礮
令以積分之法刻日督之畚築方放適方公調廬陵
巡撫趙公慎督城之寄而難其人迺命岳州府推官
孫公化龍督理而知州張公道知縣陳公光前亦至